



# Ukhuseleko kwi-intanethi

Patricia Ndlovu

Sibusiso Khumalo




**Ulwazi  
Lwethu**



I-intanethi ikunika ithuba lokudlala imidlalo, lokuthenga, nokuncokola nezihlobo njengoko usenza kwimihla ngemihla.

Ingayindawo enobungozi ebantwaneni.


Oku kubangelwa kukuba kukho abantu abasebenzisa iintanethi ngeenjongo ezingalunganga.



Abanye abangalunganga kwabo basebenzisa iintanethi ngaba:

- Ngabantu abathabatha ngobusela iinkcukacha zomntu bazisebenzisele inkohlakalo.
- Ngabantu abazizibhongozobhiyane ezithetha rhabaxa nomntu, eziphoxisa ngaye, kunjalo bayasithoba isidima somntu.
- Ngabantu abakuqhatthayo nabafuna ukuba nobudlelwane nawe, ukuze bakusebenzise ngendlela engeyiyo.

Uza kufunda ngokubanzi kula maphepha alandelayo.



Ukuze uhlale ukhuselekile kumasela athatha iinkcukacha zabantu. Sukwabelana nabo kwi-intanethi ngezi nkcukacha zilandelayo:

- Igama lakho lokwenene
- Inombolo yakho yomnxeba
- Idilesi yakho
- Iinkcukacha (malunga nabantu bakokwenu)
- Isikolo ofunda kuso


Ezi nkcukacha zenza kubelula kumasela eenkcukacha ukuba bazenze wena kwi-intanethi.



Umntu oxhaphaza abanye kwi-intanethi ngulowo wenza oku:

- Wabelana nabanye abantu ethetha kakubi ngawe
- Ukuphethe kakubi

Ukumakhasi onxibelelwano, kumagumbi okuncokola kwi-intanethi, kumagumbi okudlala kwi-intanethi nakumakhasi onxibelelwano. Xelela umntu omthembileyo ukuba ukhathazekile ngumntu okuxhaphazayo kubomi bemihla ngemihla nakwiintanethi.



Abantu abakha ubuhlobo nabantwana kwi-intanethi bazama oku:

- Bafumana ulwazi oluphangaleleyo ngawe.
- Bakha ubuhlobo nawe kuba befuna ubathembe.
- Bakhangeleka belungile, benobubele
- bekhathala.
- Bacela umfanekiso wakho.
- Bakwenza oku bekucengela ukuba wenze izinto ezingalunganga.

Balumkele abantu odibana nabo kwi-intanethi.



Akuphelelanga ekufumaneni abantu abangalunganga kwi-intanethi. Kukwakho neenkukacha ezingeyonyaniso nezingalunganga.

Sukukholelwa kwinto yonke oyifunda kwi-intanethi.

Cela umzali okanye utitshala akuncedise niqinisekise ukuba iinkukacha ezikwi-intanethi ziyinyaniso okanye aziyonyaniso.




Xa usebenza kwi-intanethi:

- Luthwale uxanduva.
- Yiba nentlonipho.
- Hlala ubaze iliso, ulumkile.

Xa usenza konke oku, uyakuhlala ukhuselekile kwi-intanethi.





Xa uthumela iinkcukacha kunye nemifanekiso kwi-intanethi unoxanduva lwako konke oko ukuthumelayo.

Cinga ngobulumko phambi kokuba uthumele nantoni na.


Iinkcukacha okanye imifanekiso ingasetyenziselwa ukuphatha wena gadalala okanye abantu bakokwenu.

I-intanethi ayikulibali oko wena ubukuthumele nokuba ungakucima.



Zihloniphe kwakunye nabanye abasebenzisi beintanethi:  
ngokuthathela ingqalelo oko ukuthethayo, oko ukuthumelayo,  
noko ukwenzayo.

Ungazivi uneentloni ukuxelela abazali bakho ngayo yonke into  
eyenzeka kwi-intanethi, okanye nangaye nabani na odibana naye  
kwi-intanethi.



Hlala ubaze iliso xa ukwi-intanethi. Asinguye wonke okhangeleka ngathi ngumhlobo wakho, ongumhlobo wakho ngokwenene.

Sebenzisa ulwazi olukule ncwadi uzikhokele ukuze uhlale ukhuselekile kwi-intanethi.

## —Imibuzo

1. Xela izinto zibembini onokuzenza kwiintanethi.
2. Chaza iindidi zabantu abenza izinto ezingalunganga kwi-intanethi.
3. Kutheni kubalulekile nje ukucela umntuomdala akuncedise xa usebenza kwi-intanethi?
4. Bhala izinto ezimbini ekungafunekanga wabelane ngazo kwi-intanethi.
5. Ungenza ntoni xa uziva ungakhuselekanga kwi-intanethi?

---

Le ncwadi yamabali yazisa ngesigama sesiseko sokufunda ngeekhompyutha. Lelinye lamabali amane axhasa ukufunda nokufundisa okugxile kubuxhakaxhaka bala maxesha sikuwo. Le ncwadi yayilwa yaza yabhalwa njengenxalenye yeZenex Ulwazi Lwethu eyiprojekthi yokufundwayo kuka-2021. Le ncwadi yamabali inemifanekiso efumaneke ngephephamvume kwiiwebhusayithi (kwiziza zolwazi) zakwaPixabay noPexels.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



NELSON MANDELA  
INSTITUTE FOR  
EDUCATION AND  
RURAL DEVELOPMENT



Room to Read®  
World Change Starts with Educated Children®

Your attribution should include the following:

Title: Ukhuseleko kwi-intanethi

Author/s: Patricia Ndlovu

Translator/s: Pretty Neliswa Magangxa

Illustrator/s: Sibusiso Khumalo


Assurer/s: Angelinah Dazela

Language: isiXhosa



© Zenex Foundation - Saide 2023

CC BY includes the following elements:

BY  - Credit must be given to the creator

